

# WIND PROSPECT LTD



## COFNODION

---

Prosiect:	<b>Fferm Wynt Tirgwynt</b>
Teitl y Cyfarfod:	<b>Cyfarfod Grŵp Cyswllt Cymunedol (TIRGm080)</b>
Dyddiad/Amser:	<b>11<sup>eg</sup> Mai 2016; 19:00</b>
Lleoliad:	<b>Canolfan Gymunedol Carno, SY17 5LH</b>

---

Yn bresennol	Yn cynrychioli	Rôl
Mike Davis (MJD)	Wind Prospect Ltd (WPL)	Rheolwr Prosiect a Pheiriannydd y Perchennog
Emily Cheung (EC)	Awel Newydd Cyf	Perchennog a Rheolwr Prosiect
Sophy Fearnley-Whittingstall (SFW)	Awel Newydd Cyf	Rheolwr Cysylltiadau Cyhoeddus a Chymunedol
Arolygydd Gary Jones (GJ)	Heddlu Dyfed Powys	
Alun Phillips (AP)	Cyngor Cymuned Carno	
Gwyndaf Thomas (GT)	Cyngor Cymuned Carno	
Michael Jones (MJ)	Pwyllgor Canolfan Gymunedol Aberhafesb	
Cyng. Nigel Bowen (NB)	Cyngor Cymuned Castell Caereinion	
Phil Davies (PD)	Cyngor Cymuned Dwyriw	
Darryl Owen (DO)	Cyngor Cymuned Dwyriw	
Frances Buckingham (FB)	Cyngor Cymuned Llandysilio	
Robert Robinson (RR)	Cyngor Tref y Trallwng	
Cyng. Steve Kaye (SK)	Cyngor Tref y Trallwng	
Cyng. Estelle Bleivas (EB)	Cyngor Tref y Trallwng	
Nick Savage (NS)	Cyngor Cymuned Llanymynech Council	

- Ymddiheuriadau
- Cyflwyniadau
  - Cyflwynodd holl aelodau'r gymuned eu hunain.
  - Mae Sophy wedi ymuno â thîm Awel Newydd i reoli'r berthynas â'r cymunedau ac i ddosbarthu gwybodaeth.
- Iechyd a Diogelwch
  - Rhoddodd MJD a GT wybodaeth diogelwch am yr adeilad.
- Strwythur y Prosiect – Cwmnïau
  - Mae 3 phrif gcontractwr i'r prosiect, Jones Brothers (gwaith sifil), Power Systems (gwaith trydanol), a Senvion (cyflenwr y tyrbinau gwynt)
  - Mae Wind Prospect yn gweithredu fel Peiriannydd o dan y contract i Awel Newydd.
- Strwythur Staff y Prosiect

---

## WIND PROSPECT LIMITED

Sutton House • Dovenby Hall Estate • Dovenby • Cockermouth • Cumbria • CA13 0PN

Rhif cofrestredig 3011376 Cymru a Lloegr



## COFNODION

- 5.1 Dangosodd MJD siart trefniadaeth y prosiect. Mae fersiwn sydd â manylion cysylltu ar gael a chytunwyd y byddai hwnnw o ddiddordeb i'r cymunedau oedd yn bresennol. **MJD i ddsbarthu siart trefniadaeth y prosiect sydd â manylion cysylltu perthnasol.**
6. Cynllunio
- 6.1 Mae cytundebau Adran 278 (Priffyrdd) i gynnal gwaith lledu ar lwybr mynediad y ffyrdd sirol (sef manau cul [*pinch points*]) ar y gweill ac mae'n rhaid cael y cytundebau hyn cyn y gall y gwaith ddechrau.
- 6.2 Mae nifer o fannau cul eisoes wedi'u hadeiladu ac yn aros i Archwiliad Diogelwch Ffyrdd gael ei gwblhau cyn y gall y cyhoedd ddefnyddio'r rhain. Awgrymodd DO y byddai'n ddefnyddiol gwneud y rhain cyn gynted â phosibl gan eu bod o gymorth gyda'r traffig cerbydau nwyddau trwm (HGV) sy'n defnyddio'r ffordd ar hyn o bryd.
7. Gofynion priffyrdd
- 7.1 Tref y Trallwng
- 7.1.1 Roedd yr arolygon ar seleri/isloriau yn y Trallwng wedi dangos un gwagle gyferbyn â'r Royal Oak a oedd angen eglurhad pellach gan Gyngor Sir Powys.
- 7.2 Cefnffyrdd
- 7.2.1 Mae Asiantaeth Cefnffyrdd Gogledd a Chanolbarth Cymru (NMWTRA) yn asesu strwythurau ar hyd y rhwydwaith cefnffyrdd.
- 7.3 Priffyrdd Powys
- 7.3.1 Mae strwythurau eraill ar hyd ffyrdd y sir wedi'u nodi a'u harolygu a chyfrifiadau manwl wedi'u rhoi i Gyngor Sir Powys. Bydd cyfarfod a gynhelir ar 12<sup>fed</sup> Mai yn penderfynu pa strwythurau fydd angen eu gwella cyn cludo'r tyrbinau.
- 7.3.2 Mae'r daith dreial wedi'i threfnu ar gyfer 30 Mehefin 2016. Gofynnodd SK a fyddai'n bosibl cynyddu nifer y cerbydau yn y confoi i 3 cherbyd llwyth annormal (AIL). Eglurodd EC er bod Heddlu Dyfed Powys ar hyn o bryd yn gyfforddus yn gwneud hyn, nid yw heddlu Swydd Gaer ar hyn o bryd yn fodlon cytuno i godi nifer y cerbydau llwythi annormal mewn un confoi i fod yn fwy na 2 gerbyd. Ymhellach, roedd trafodaethau ar y gweill â heddlu Swydd Gaer i gael ail gonfoi ar ôl 7pm drwy'r Trallwng. Cydnabu EC fod hyn o ddiddordeb er mwyn lleihau nifer y confois i'r cymunedau a'r prosiect fel ei gilydd.
- 7.3.3 Gofynnodd FB o ble fyddai'r daith dreial yn cychwyn. Cadarnhaodd MJD mai o Goole fyddai hynny. Ychwanegodd EC fod y daith dreial yn gymaint o daith brawf i'r heddlu a rheolaeth draffig ag yr oedd i roi'r llwybr ar brawf i gydrannau'r tyrbinau.



## COFNODION

- 7.3.4 Holodd EB faint o amser oedi a ddisgwylir i gerbydau sy'n dod i gwrdd â'r confoi. Disgwyliai GJ y byddai ond yn ychydig o funudau. I gerbydau nwyddau trwm byddai'r amser yn hirach o bosibl gan y byddai'n debygol y byddant yn cael eu tynnu mewn i lefydd addas er mwyn rhoi modd i'r confoi fynd heibio. Byddai hebryngwyr yr heddlu ar feiciau modur yn teithio ychydig filltiroedd o flaen y confoi a byddai cerbydau bychain yn cael eu tynnu i mewn yn ôl yr angen tua hanner milltir o'r confoi.
- 7.3.5 Gofynnodd DO a ellid cludo'r tyrbinau yn ystod y nos. Dywedodd GJ y byddai teithio yn y tywyllwch yn ormod o risg i Heddlu Dyfed Powys.
- 7.3.6 Holodd RR pa oedi a ddisgwylid i drigolion a gwasanaethau nad ydynt yn rhai brys, a sut byddai hyn yn cael ei leihau cyn lleied â phosibl; yn enwedig o gwmpas cylchdro Sgwâr y Gigfran/Raven Square lle gellid dal y confoi i adael i draffig fynd heibio. Nododd GJ y byddai'r tîm hebrwng o flaen y confoi yn rheoli pob traffig i fynd heibio, a gallai hynny ganiatáu i'r cerbydau hyn fynd heibio a rhybuddio trigolion fod y confoi ar y ffordd.
- 7.3.7 Gofynnodd RR a ellid hysbysu'r wybodaeth ddiweddaraf am amseroedd cludo petai oedi mawr neu ganslo teithiau cludo, er mwyn i bobl yr effeithir arnynt fedru cynllunio eu diwrnodau. Eglurodd MJD yn gyffredinol y byddai hysbysebion yn y papurau newydd a'r newyddion diweddaraf ar wefan y prosiect. Ni fyddai unrhyw dyrbinau yn cael eu cludo yn ystod y Sioe Frenhinol na Gŵyl y Banc mis Awst. Ychwanegodd SFW fod nodyn briffio wrthi'n cael ei lunio i'w ddosbarthu i'r cynghorau ac arno wybodaeth petai'r cynghorau eu hunain yn derbyn cwestiynau yn uniongyrchol. **SFW i ymchwilio sut orau fyddai cyfleu'r diweddaraf am y teithiau cludo'r tyrbinau.**
- 7.3.8 Gofynnodd FB a oedd amcangyfrif o'r amser y byddai'n ei gymryd i fynd drwy'r gyffordd Mile End yng Nghroesoswallt. Dywedodd MJD fod yr wybodaeth hon yn y model ac nad oedd wrth law yn ystod y cyfarfod. Gellid darparu mwy o fanylder ar gais a dywedodd MJD y byddai modd deall yr amseroedd yn well ar ôl y daith dreial. Nododd FB y byddai'n dderbyniol cael y wybodaeth hon ar ôl y daith dreial a chyn i'r tyrbinau eu hunain cael eu cludo.

## 8. Trosolwg o'r Diweddaraf am y Prosiect

- 8.1 Rhoddodd MJD drosolwg manwl o gerrig milltir y prosiect.
- 8.2 Disgwylir y bydd cludo'r tyrbinau i'r safle yn dechrau ar ddiwedd Gorffennaf ac yn parhau hyd at fis Medi. Mae tîm y prosiect yn gweithio gyda'r heddlu, cyflenwr y



## COFNODION

tyrbinau a'r cludwr i gael cyfnod cludo sydd mor fyr â phosibl, ac mae'r opsiynau yn cael eu harchwilio.

### 9. Cynnydd

#### 9.1 Y Brif Fferm Wynt

9.1.1 Mae'r traciau mynediad bron â'u cwblhau i'w safon orffenedig yn hanner deheuol y safle.

9.1.2 Ni cheir gwneud gwaith adeiladu ar ran ogleddol y safle oherwydd y cyfyngiadau yn sgil adar (y gylfinir) yn bridio fel yr amlinellwyd yn y caniatâd cynllunio.

9.1.3 Mae angen llenwi sylfeini dau dyrbin yn y de, a 3 yn dal ar ôl yn y gogledd (i'w gorffen ym mis Awst ar ôl codi'r cyfyngiadau yn sgil adar yn bridio).

9.1.4 Ar hyn o bryd sylwyd ar un pâr o'r gylfinir yn nythu ac mae dau aderyn sengl ar y safle gogleddol.

#### 9.2 Is-orsaf

9.2.1 Mae'r is-orsaf yng Ngharno yn dod yn ei blaen yn dda, a'r sylfeini ar gyfer dargyfeirio llinellau uwchben a'r offer yn barod i Scottish Power osod arnynt.

9.2.2 Bydd y prif gebl foltedd uchel sy'n rhedeg o'r fferm wynt i Garo yn cael ei gosod yn ystod Mehefin.

#### 9.3 Mannau Cyfyng ar hyd llwybr mynediad y llwythi annormal

9.3.1 Mae'r gwaith yn dod yn ei flaen yn barod at ddyddiad y daith dreial ar 30 Mehefin.

9.3.2 Caiff y rhain eu hadeiladu drwy ddefnyddio goleuadau traffig neu gau ffyrdd (gyda dargyfeirio ar waith).

9.3.3 Mae rhaglen ddiwygiedig y manau cyfyng wedi'u hatodi i'r cofnodion.

### 10. Gwefan

10.1 Mae gwefan wedi'i sefydlu ac mae i'w gweld yn

<http://www.tirgwyntwindfarmcgl.co.uk/>

10.2 Mae tîm y prosiect wrthi'n trefnu cyfieithu'r wefan i'r Gymraeg.

### 11. Cronfa Budd Cymunedol

11.1 Dywedodd EC ei bod wedi derbyn gwybodaeth ynghylch sut oedd cronfa Carno yn cael ei rheoli a'i bod wedi trafod â'r Sefydliad Cymunedol yng Nghymru (Community Foundation in Wales) ynghylch rheoli Cronfa Budd Cymunedol Tirgwynt.

11.2 Nododd MJ nad oedd wedi cael profiad da â'r Sefydliad Cymunedol yng Nghymru gan ei fod yn Gaerdydd-ganolog a dywedodd NB y byddai'n well ganddynt i'r gronfa gael ei rheoli'n fwy lleol.



## COFNODION

- 11.3 Awgrymodd GT y dylid cysylltu yn lle hynny â “Windfall” o Fachynlleth gan eu bod hwy ar hyn o bryd yn rheoli cronfeydd ffermydd gwynt Sir Drefaldwyn. Nododd GT na fyddai Carno yn fodlon rheoli'r gronfa ehangach.
- 11.4 Nododd PD fod Cyngor Cymuned Dwyrw hefyd yn rheoli cyllid drwy gyfrwng tebyg i Carno a gellid defnyddio hwn i reoli'r cyllid a roddir iddynt hwy.
- 11.5 Dywedodd SFW ei bod yn bwysig deall gweinyddiaeth y gronfa cyn penderfynu pa gyfrwng i'w ddefnyddio. Mae'n rhaid i'r gronfa fod yn glir a thryloyw a chyflawni gofynion adrodd Awel Newydd. Awgrymodd FB y dylid llunio cynnig ar gyfer y cyfarfod nesaf i'w gyflwyno gerbron y grŵp cyswllt cymunedol. **SFW i lunio cynnig ar reoli'r gronfa budd cymunedol i'w gyflwyno yng nghyfarfod nesaf y grŵp cyswllt cymunedol.**
- 11.6 Ailadroddodd RR fod Cyngor Tref y Trallwng wedi cytuno'n unfrydol nad oedd Cyngor Tref y Trallwng am fod yn rhan o'r gronfa budd cymunedol.

### 12. Unrhyw Faterion Eraill

- 12.1 Cododd MJD y mater bod rhywfaint o sylw gwael wedi bod yn wasg ynghylch Tirgwynt a bod erthygl ddiweddar yn y *County Times* wedi cynnwys gwallau ffeithiol. Dywedodd SK os byddai'r daith dreial yn mynd yn iawn, yna dylai bod rheswm dros gael sylw da yn lle hynny.
- 12.2 Nododd RR mai prif bryder Cyngor Tref y Trallwng yw y byddai twristiaid yn dechrau osgoi'r Trallwng yn gyfan gwbl ac yn rhoi pwysau ar drefi a rhwydweithiau ffyrdd eraill os bydd y broses cludo'r tyrbinau yn achosi problemau.
- 12.3 Gofynnodd SFW a fyddai Cyngor Tref y Trallwng yn dymuno i aelod o dîm prosiect Tirgwynt fynychu'r cyfarfod cynllunio nesaf ar 8<sup>ed</sup> Mehefin. **SFW i gydlynu ag RR i gadarnhau.**
- 12.4 Nododd GJ y byddai'r trosglwyddo rhwng heddluoedd Swydd Gaer a Dyfed Powys yn broses ddeinamig a llyfn ar slipffordd Rhostyllen. Byddai'n rhaid osgoi pryderon am draffig prynhawniau Gwener gan y gwyddys fod hwn yn gyfnod prysur.

### 13. Dyddiad, Amser a Lleoliad y Cyfarfod Nesaf

- 13.1 Cyfarfod nesaf Awst 2016 i'r holl aelodau, 19:00 mewn lleoliad sydd i'w gadarnhau.
- 13.2 Cyfarfod am y diweddaraf am amserlen a llwybr cludo'r tyrbinau, 6<sup>ed</sup> Gorffennaf (ar ôl y daith dreial) i'w gynnal yn y Drenewydd (union lleoliad ac amser i'w cadarnhau). **MJD i gydlynu ag RR i gadarnhau lleoliad addas.**

